

Txirritola

ARAMAIO / Barikua / 2002ko otsailaren 21a / 54. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Matxain zabaltzeko lanak hasiko dituzte martxoan

UBANE MADERA

Laster, Matxain kalea konpontzeko lanak hasiko dituzte. Besteak beste, Bixili inguruan dagoen bidea zabaltzea da lanon helburua. Orain, lanak adjudikatu egingo dituzte.

Duela hiru urte, 2001ean, hain zuzen, Arabako Foru Aldundiak 66.000 euro pasatxoko dirulaguntza eman zion Aramaioko Udalari Matxain kalea konpontzeko. Kale hura zabaltzea eta zolatzea zen asmoa; baita kaleko zubia botatzea eta berria egitea ere.

Horrela, bada, lanok egiteko proiektua eskatu zuen Aramaioko Udalak. Baina, proiektuaren arabera, zubia botatzea eta berria egitea ia 300.000 euro kostatu behar zen, eta, lehen esan bezala, Aramaioko Udalak jasotako dirulaguntza 66.000 eurokoa besterik ez zen.

Horren ondorioz, batetik, zubia bere horretan uztea erabaki zuen Aramaioko Udalak; eta, bestetik, bestelako lan batzuk egiten zebiltzala aprobetxatu, eta Matxain kalea ere zolatu zuten. Eta, atzerapen apurrarekin bada ere, orain, kalea konponduko dute. Lanak adjudikatzeko pro-



UBANE MADERA

Kalea estua dela-eta, 75 bat metrotan metro edo metro eta erdi zabalduko dute.

zesuan dabilta orain. Behin adjudikatuta, laster hasiko dituzte obrak; Aramaioko Udaleko Zerbitzu Teknikoek adierazi digute martxoa inguruan izango dela.

BIDEA ZABALTZEA

Egungo proiektuaren arabera, Matxain kalea zabaldu egingo

dute; kalearen zati baten, 75 bat metrotan, hain zuzen, metro bat zabalduko dute.

Lanik handiena Bixili base-riaren inguruan egingo dute, huraxe da-eta kalearen zatirik estuena. Goiko lursaileko lurra kenduko dute eta horma egingo dute, besteak beste.



Ruandaren ostean, Palestina

Ruandan eta Angolan bizi duten egoera ikusteko aukera izan genuen joan den astean. Medicus Mundiren eskutik, Afrikako Laku Handien gaineko errealitatearen berri eman zuten: gerrek utzitako hildakoak, errefuxiatuak, gosea... Besteak beste, diapositiba emanaldia eta hitzaldia izan ziren eta bidezko merkataritzan oinarritutako produktuak saldu zituzten. Barikuan, esaterako, herritar dezente elkartu zen areto nagusian. Ekimena Itur Zuri emakume elkarteak antolatu zuen. Bestalde, elkarte horrek berak Palestinaren gaineko hitzaldia antolatu du barikuan, hilaren 28an, kultura etxean, 18:30ean. Komite Internazionalistatetako kide Amaia Arrizabalagak egingo du hitzaldia.

HERRITARREN HITZA / Manex Agirre • Ikaslea

Erritmoz kanpo

Berandu banabil ere, merezi dit eta merezi dizue (batez ere garaiotako martxa kalenturosoa ikusita) udazkenean Donostiako Zinemaldiaren aitzakian berreskuratu genuen zerbait komentatzeak. Gasteiztarteontzat ere iritsi zen garai hartan zeluloide puska forman. Ivan Zulueta zinemagileari eginiko omenaldiaren baitan, beste gauza batzuen artean bere *Arrebato* filma berreman zuten Euskal Herriko zenbait aretoan, eta han izan ginen gu, palomitarik gabe, baina pelikula on baten apetituarekin.

Eta bai, merezi izan zuen. Kredituak *flash*-etan hastearekin batera argiak piztu zirenean, aretoan egon ginen bost edo seiok aurpegira elkar begiratzean sinetsi genuen merezi izan zuela. Pare bat ordu behar izan nituen errekupeperatzeko.

Arrebato bizitzak, naturak, gizakiek beraien baitan duten erritmo perfektuaren bilaketari buruz eginiko istorioa da. Zinemagile gazte bat horretan saiatzen da gau eta egun,



"Interesatzen zaidana erritmoaren kontu horixe da"

horrekin obsesionatzen da, horren inguruan egiten du negar eta barre, zeluloidearen (bizitzaren) erritmo perfektua zein den deskubritzen duen arte. Eta deskubritzen duenean zer gertatzen den ez dizuet kontatuko, norberak egin beharreko gauzak ere badaude eta munduan. Beraz, ikusi.

Kasu honetan interesatzen zaidana erritmoaren kontu horixe da. Zein da, bada, bizitzaren erritmo perfektua?

Ez dakigu. Baina filma ikusi eta gero, uste batean erortzeko arriskua dugu: egiten ditugun akzio, ekintza ulergaitzenak erritmoz kanpo egiten ditugunak direla pentsatzeko arriskua, goizegi/azkarregi edo beranduegi/geldoege eginiko gauzak dira irrazionalenak, lekuz kanpo daudenak, harmonia gabekoak. Artikulu hau idazten ari naizen momentuan Gipuzkoan 9 atxilotu egon direlako zurrumurrua, Irak/*Prestige* bonbardeo mediatikoa... sektario samarra badirudi ere, denak erritmo perfektu-rik eta harmonikotik kanpo eginiko ekintzak direla pentsatzeko arriskua dugu...

LABUR

Aratusteak datozela-eta, Mozorro Lehiaketa

Mozorro Lehiaketa antolatu du Udalak Aratusteetarako. Martxoaren 1ean izango da. Eta herritarrek taldeka zein banaka aurkez daitezke lehiaketara. Gero, martxoaren 1ean, 17:30ean, kalejiran irtengo dira lehiakideak. Kiroldigitik plazaraino joango dira, eta han mozorrorik onenak eta orijinalenak sarituko dituzte. Guztira, sei sari emango dituzte: umeendako bi, 14 urtetik gorakoentako beste bi eta mozorrorik orijinalendako beste bi. Horren ostean, 18:00etan, txokolata-jana egingo dute.

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuiako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00	10:15**	
11:00	11:15	
12:00	12:15**	13:00
15:15	15:30	16:15
17:20	17:35	
18:30	18:45**	
20:30	20:45	21:05
21:10	21:25**	

GASTEIZ	ARAMAIO	ARRASATE
	07:50	08:05
08:20	09:00	09:15
	10:15*	10:30
	11:15	11:30
13:10	13:45	14:10
16:20	17:00	17:20
	17:35	17:50
	18:45*	19:00
19:30	20:10	20:00

OHARRA: izartxoak duten orduetan eskaeraren araberako zerbitzua eskaintzen dute. Eta bi izartxo dutenetan, auzoetara joateko garraioa izango da. Eskaeraren araberako autobusa erabili gura duenak, bezperan deitu beharko du honako zenbakira: 629 54 59 23

OHARRAK

ARETO FUTBOLA

Oraingo honetan zorioneko emaitzak ekarri dituzte Bañerako taldeek. Izan ere, gazte mailakoek 4-9 irabazi zioten CD Aurrera de Vitoria taldeari. Eta kadete mailako mutilek 15-5 irabazi zioten San Jose Nemesianos taldeari. Datorren astean, gazte mailako taldeak atsedean izango du. Eta kadete mailako mutilek eta neskek Izarran jokatu dute Lan eta Jolas taldearen kontra. Neskek 11:00etan dute partidua, Udal Kiroldegian. Mutilek, berriz, 12:00etan dute hitzordua, Ikastolako kiroldegian.

PALETA TXAPELKETA

Aurrera jarraitzen du aurtengo Paleta Txapelketak. Oraingo asteburuan ere izango dira partidua kiroldegian. Zapata eta domeka goizean jokatu dute laugarren jardunaldia. Hortaz, dagoeneko txapelketaren amaierarako bidean dira bikoteak.

ZINEMA


La historia de una gaviota filma emango dute domekan.

KULTURA

**Ipuin
Lehiaketako sari
banaketa bihar
gingo dute
kultura etxean**

Aratusteetatik gertu Txirritola Euskara Elkarteak Ipuin Lehiaketa antolatu ohi du. Aurten ere hala egin du, kale egin barik. Eta, 22 lan aurkeztu dituzte aramaiorrek. Lanok hiru mailatan daude banatuta: Lehen Hezkuntzako bigarren eta hirugarren ziklokoak eta Derrigorrezko Bigarren Hezkuntzako lehenengo ziklokoak. Eta, maila bakoitzetik bina lan sarituko dituzte Ipuin Lehiaketan. Horrela, Lehen Hezkuntzako artean, irabazleak 60 euro bonotan irabaziko du eta bigarrenak 48 euro bonotan. Eta Derrigorrezko Bigarren Hezkuntzako artean, lehenengoak 120 euro irabaziko du eta bigarrenak, 90 euro.

Bihar, zapatua, 13:00etan jakingo dugu zeintzuk diren irabazleak. Hain zuzen ere, Rosa Mondragónek, Divina Arriola-bengoak eta Xabier Agirrek osatutako epai-mahaiak aukeratuko ditu lehiaketako irabazleak.



BOTEPRONTOAN/ Mikel Bengoa · Bengoa garraio enpresakoa

“Taxian egin dut bidaiarik luzeena: Kroaziara, hain zuzen. Zortzi lagunendako taxi baten joan ginen”



“Aita eskola-umeen garraioan hasi zen lanean, eta neuk bide bera jarraitu dut”

taxi bi.
Noiz sortu zenuten enpresa?
Orain dela urte asko, ez dakit esaten zenbat. Aita eskola-umeen garraioan hasi zen lanean, eta neuk bide bera jarraitu dut eta geure enpresa apur bat handitu dut.
Gidatzea duzu gustuko?
Baietz esan behar, ezta? Horretan hasi nintzen...
Zein zerbitzu eskaintzen duzue autobusarekin?
Eskatu ahalako garraioa. Umeak eta langileak ekartzen ditugu, eta bestela, telefono bidez edozein zerbitzu eska daiteke: txangoak, sagardotegietarako bidaiak...
Egin duzun bidaiarik luzeena?
Taxian egin dut bidaiarik luzeena: Kroaziara.
Aberatsen bat edo eraman zenuen, ala?
Ez, ez. Ez dira horren abera-

“Gidatzeko orduan, abiadura eguraldiaren egoerara moldatzea komeni da”

ZERBITZUAK



‘GIDA 2003’, KALEAN

Dagoeneko esku artean dugu Goiena Komunikazio Zerbitzuek ateratako gida komertziala. Joan den astean hasi ziren banatzen Aramaion. Eta jaso ez duenak edo gida eskuratu gura duenak Arrasateko Saiolan eraikinera jo beharko du, Goienaren egoitzara. Edo 943 71 23 91 telefonora dei dezake.

Iaz bezala, aurten ere gidak bost herritako telefono zenbakiak dakartza. Berritasunen artean nabarmentzekoak dira, adibidez, partikularren telefonoak ere agertzen direla eta gida osoa koloreetan dela.

Goienako Publizitate Sailak eskerrak eman gura dizkie gida egiten parte hartu duten bezero guztiei.

tsak. Zortzi lagunendako taxia daukat, eta harekin egin genuen bidaia. Oso polita izan zen. Merezki du hara joatea. Kroazian, Eslovenian... ibili ginen, eta oso inguru polita da. **Azkenaldian, jende dezente errepideen egoerarekin kexatu izan da...**
Bai, betiko arazoa da. Gu ez gara nor gauzak zelaz egin esateko. Baina, nire iritziz, orain dela hamar urte egin izan balute autobidea... egunero errepidean gabiltzanendako beste gauza bat izango litzateke. Arrasatetik Bergarara istripu dezente izan ohi dira; eta gertatu den azkeneko istripuan, adibidez, dena kolapsatu egin zen eta, horren ondorioz, autobusa berandu iritsi zen... **Hortaz, zure iritziz, errepide berriak behar dira?**
Nire iritziz bai; izan ere, hemen zirkulazio handia dago. Eta, gainera, garraio astun asko dabil; nire iritziz, zerbait behar da. Bide hauek nahiko kaskarrak dira, nahiko estuak. **Gidari ona izateko gomendiorren bat...**
Hori gaitza da. Baina, adibidez, abiadura eguraldiaren egoerara moldatzea komeni da. Eta, jakina, alkohola edanez gero, ez hartu automobilik.